

王公奏稿卷之六

三原介菴王



恕奏議

後學華亭謝應徵校正

後叅贊機務

轉南京兵部尚書叅贊機務謝 恩疏

臣向蒙

聖恩以兵部尚書兼都察院左副都御史巡撫
南直隸成化二十年五月十九日欽奉本
月初七日

敕諭改臣南京兵部尚書叅贊機務者臣孤忠
少與他技非長罄竭一得之愚巡撫五年
之久悃悞屢陳未遂歸休之願焦勞方切
忽承

簡擢之恩俾掌夏官仍叅留務矧南京乃
祖宗根本之地尚書實古昔納言之官雅宜妙
選竒才詎料仍推衰朽顧難回於
成命肯少負於初心爰茲瀝血以輸誠終擬鞠躬而盡瘁除望

闕謝

恩到任管事外具本專差指揮石文通齎捧稱
謝謹具奏

聞

督修 孝陵查筭工料數目奏狀

成化二十年五月十九日節該欽奉

勅命臣同守備太監張 嚴督內外該管官員
查勘實在用工官軍匠作毋令空閑役占計
筭在京物料并價銀及支給錢糧毋令冒支

妄費仍逐日併工修造早爲完備欽此臣謹
遵奉

聖訓會同守備太監張 并內外守備官恭詣
孝陵叩頭訖當同內外管工官太監鄭強隆平
侯張祐侍郎劉俊等徧歷工所看得

孝陵殿宇門廡碑亭等項俱已裝修完備惟明
樓已抓縛鷹架未曾拆修有鄭強等說稱
斗科已造成五十餘座因是原料明梁大
楠木三根坐派四川布政司採辦南京工

部已差營繕清吏司主事吳湜前去催儉
未到以此不敢拆卸又看得周圍牆垣除
修完外止有一千七十丈未完及鄰漿棚
房牆垣損壞六十五丈未嘗修理各官說
稱前牆係是原未計料之數臣等除行南
京工部復差虞衡清吏司主事施恕馳驛
前去着落四川布按二司官吏并行分巡
分守官嚴督該府縣官吏委官量起人夫
採打拽運及行四川巡撫都御史孫仁督

發併工督令管工官將前項未修未完墻垣俱已修完完備於本年六月初五日疎放軍夫匠作暫且歇工當將見在未用物料責令南京內官監監工內使張秀等并工部委官看守及令

孝陵衛委差官軍輪流日夜巡綽行查前後修完工程用過物料役過軍匠支過工錢口糧并原派未到物料備細數目附卷欲候催儻楠木至日另行擇日興造明樓緣係

奉

勅令臣等併工修造早為完備事理未敢擅便今將各項總數開坐具本專差千戶姚鉞齎捧謹題請

旨

論撥船事宜奏狀

車駕清吏司案呈奉本部送於

內府抄出兵仗局署局事內官監左少監葉深

題先於成化十八年八月十八日欽蒙差臣等前往南京兵仗局成造盔甲等件除欽遵外照得所造盔甲擘手鐵袴等項俱係鋼鐵研明紵絲紬絹之物起運之時比與別項錢糧櫃扛至重所差船隻數少每遇河道灣淺一時難以動移又恐水氣侵剋以致發秀塵浥不便今後起運軍器之時合用馬快船隻合無照依各衙門事例每隻裝載十櫃等因奉

聖旨是該衙門知道欽此欽遵移咨到部送司案查成化十九年五月初十日該南京守備太監安寧等揭帖該兵仗局印信揭帖開報造完軍器四千五百件裝盛四百二十二櫃用船裝運本部照依節奉

欽依事理委官會同南京科道等官看裝每船裝一十三櫃裝運到京交卸並無發秀塵浥續因裝運官物及

進貢等項用船數多見在船隻不敷本部通

行各衙門該運物件議擬則例具

奏要將兵仗局軍器酌量可裝二十五櫃本年九月二十八日兵部題奉

聖旨都准擬欽此欽遵成化二十年正月內起運軍器七千二百件裝盛六百七十四櫃其管運官不肯照依本部奏

准每船裝二十五櫃則例裝運每船止裝一十七櫃亦運到京交卸亦無發秀壓浥今本官又

奏要照各衙門事例每船止裝十櫃查得京工部起運

上用戢金描金硃紅膳盒等件俱用黃羅銷金袱子黃絨繩索及櫃桶裝盛比與軍器櫃扛大小多半相等每船實裝六十餘扛近來

內織染局起運

上用段疋每船亦裝一十三櫃別無每船止裝十櫃則例今却要每船止裝十櫃委的近

來

欽取供用香料并木植等項用船動以百計工部該運儀真廠輓料合用馬快船二十隻一年二運今無一船可差况南京各衙門年例起運時鮮及應付

欽差回京人員各處

進貢方物等件用船數多實難措辦臣怒亦非不欲其喜而欲其怒但差多船少不穀撥用豈得已也如蒙合無仍照本部照奉

欽依事理將前項軍器每船裝二十五櫃及各衙門一應起運物料俱照節該奏

准儘船裝載事例及議擬則例而行不許應管人員自定扛數多討船隻煩瀆

聖聽如此庶得事體歸一船隻殼差而裏河軍民拽船之勞亦可寬矣

陳言山陝救荒奏狀

臣伏聞邇來禮部

題稱陝西山西山東河南北直隸灾傷查得

成化二十二年例該各處僧道關給度牒合無令其就彼納米給與等因奉

聖旨是僧道官有缺亦着納米選用還酌量則例來說欽此又聞鎮守湖廣太監韋貴等

題稱山西陝西河南北直隸地方荒旱饑民南流數多日有萬口經過欲照例驅治又恐激變欲發倉廩賑濟官糧有限合無通行山西陝西河南北直隸巡撫都御史督令各該州縣將新舊流民令該管里老招

撫復業等因奉

聖旨該衙門知道欽此又聞

太子太傅吏部尚書兼華蓋殿大學士萬安等

題稱邇聞陝西山西地方亢旱無收陝西尤甚人民缺食死者無筭填滿溝壑嬰孩路旁啼哭不絕合無將儒學生員不分地里遠近有納米者虞膳納米八十石增廣納米一百石俱付陝西缺糧倉分上納本布

政司起送國子監讀書挨次選用其軍民舍餘人等有願納米者授以軍職百戶納米二百石副千戶二百五十石正千戶三百石指揮照例加米定與衛分帶俸閑住俱赴陝西缺糧倉分上納具奏奉

聖旨是該部知道欽此又聞差侍郎耿裕徐溥祭告西嶽西鎮西海大河之神臣有以見皇上與諸大臣畏天憂民救荒卹患之心可謂無所不用其極雖雲漢之詩所謂旱既大

甚散無友紀靡神不舉靡人不周者何以過之臣惟陝西山西地方連年災傷米價貴甚閭閻小民貧難殷實者少雖奉上項恩例恐願納者寡焉能濟衆又訪得南直隸浙江江西湖廣今年頗收僧道生員軍民舍餘中間亦恐有願如

恩例上納以圖補報者合無請

勅每處差給事中御史郎中等官三二員分與府縣令其馳驛前去會同彼處巡撫巡按

等官督同分巡分守官分投詣屬出榜召募前項人等各照米數每石令其納銀一兩給與文憑關領度牒照缺選用入監讀書及爲指揮千百戶等項其銀就令原差領

勅官南直隸湖廣銀兩送陝西浙江銀兩送山西江西銀兩送河南俱公同巡撫巡按等官差委能幹司府官員分投詣屬給散缺食人戶隨銀多寡每月驗口或給二錢或

三錢令其自行買米救濟其各處流民之在荆襄者彼處鎮守等官既稱不可驅治又稱無糧賑濟要令各該巡撫都御史督令該管里老招撫復業緣里老亦多流移料無可差之人就彼有人可差各戶家業已失田野無望又無口食豈能回還臣思流民缺食無計聊生拊楯失策必爲盜賊勞師動衆所費益多合無將湖廣今年該起運南京各倉及兌軍秋糧量留一二十

萬石運赴荆襄水次倉賑濟流民以銷後患又將河南該兌軍秋糧量留一二十萬石運赴荆襄水次倉賑濟流民以銷後患又將河南該兌軍秋糧量留一二十萬石賑濟本處饑民及四方流來之民如河南兌軍糧米無徵亦須別作擘畫仍

勅各處巡撫巡按提督三司委官如有流民於該管地方即便加意調卹不許驅令失所且人一日不再食則饑兩

食則病不能起五六日不食則死此救荒當如拯溺救焚可急而不可緩緩則無及矣臣深慮召募僧道生員人等銀兩急不能得有悞賑貸合無先出

內帑銀二三十萬兩火速發去陝西山西河南賑濟如內帑不足請

諭貴戚近臣及在京巨富之家那移前去切不可緩待後召募有銀之日照數酬還仍乞降

詔將被災府縣今年稅糧買辦等項盡行蠲免
如此庶幾全活生靈潛消後患易危就安
轉禍爲福有以見

皇上深仁厚德而有生之類蓋將感戴於無窮
矣

救林俊張黻奏狀

臣恕荷

國厚恩庸劣無補惟願

聖德尊顯天下乂安俾臣得俯仰於無事之天

沒齒於太平之日爲幸大矣邇聞刑部主
事林俊上章陳言忠誠激烈詞氣過直冒
干

天威謫官遠方後府經歷張黻爲林俊陳情亦
蒙拏問臣恕當以林俊等爲戒括囊全身
今復昧死而言者非納交於林俊等而爲
其游說也實爲

國家天下慮耳方今之時外而邊陲黠虜跳
梁軍士暴露內而郡縣旱荒太甚民饑而

死此誠

陛下憂勤惕勵詢謀屈策極力救濟以收人心之時奈何興土木之役爲佛氏之居蓋聞僧伽之言張大佛法之功于以尊之崇之資其利益以福斯民而延

國祚也殊不知三代以前無佛法而帝王曆數率皆綿遠三代以後崇信佛法而帝王運祚未聞過之以此觀之佛法之無益於世也明矣其不足信也審矣且天地生成

萬物

祖宗創業垂統孔子明道立教其功其德豈佛氏所能髣髴萬一然而京師止設一壇以祀天地

內府止設一

太廟祀

祖宗京都以及天下郡邑亦各止設一文廟祀孔子就使佛法有靈而其功德可比隆於天地

祖宗孔子其佛寺亦不宜多於天地
祖宗孔子之壇廟也今都城內外佛寺不知有
幾千百區茲又欲營建佛寺于

皇城之側遷移軍民數千百察計費帑藏銀
數十萬兩似爲過之然安土重遷人之情
也今一旦拆人房屋使之遷於他處欲人
心安得乎帑藏銀兩所以備兵荒也今乃
以爲建寺之資使民飛輓於道路轉死於
溝壑欲人心悅得乎人皆知此事之非宜

而不言獨林俊言之者是林俊能盡忠於
陛下而不顧身家也人皆私議以爲林俊之言
是亦無一人公言於

朝獨張黻言之者是張黻亦能盡忠欲

陛下納諫旌直以隆治道亦可嘉也今皆不之
省而悉寘之于法此臣之所未喻也臣恐
由是人皆以言爲諱設有讒佞之害正奸
邪之誤國誰復言之

陛下何由以知之又造宮殿爲梁爲柱大楠木

南京各廠已無一根近來修

孝陵明樓差官前去四川徧歷山谷尋採五年
僅得五根數內堪中者少不堪者多動起
數千人夫止拽一根到於水次餘者尚未
出山此等大木誠爲難得不知在京各廠
見有堪作大梁大柱楠木幾多可斲幾座
宮殿之用誠不可不愛惜以備用也

陛下仁如帝堯孝同大舜自

踐祚以來不畋獵不游幸未嘗妄興一旅之

師亦未嘗妄戮一無辜之人誠不世出之
明主大有爲之

聖君也不意偶然有此蓋未之思耳此臣之所
以日夜慄慄而不能已於言也伏乞

聖慈收雷電之威解恢恢之網復林俊等之職
慰天下人之望暫停建寺之役專理兵荒
之政如此庶幾四夷向化九有歸心

宗社可以鞏固

天命可以永保矣臣無任戰慄待罪之至成化

二十年十一月十九日具題

定奪修城營葬工料奏狀

准工部咨營繕清吏司案呈奉本部送於
工科抄出應天府府尹于冕等

奏據上元等縣申據神泉等鄉里老葛再等
呈照得南京外羅城周圍一百三十餘里
城門一十七座比先年間原係工部委官
驗工計料差撥人匠軍夫修理近年以來
遇有城垣坍塌應天府與工部分修見今

各縣一年一次或二次起撥人夫多者一
百四五十名少者六七十名每夫集價銀
一兩動經七八百兩至一千餘兩及南京
內官病故造墳安葬亦係民間撥夫集價
通年出辦負累人難況南京積年起運惜
薪司光祿寺

安王妃等處柴薪夫價光祿寺挑酒夫價竹
籬扛索價并修理鮓魚廠

內織染局攬缸煉灰價銀及見今

內府成造段疋揀選香炷

欽差內外官員往來日逐供給下程僉撥皂隸搬運柴薪挑送糧米等項并手下役使厨役等類俱要供食一年之內出銀動以數千兩計以此科派繁重委的困苦無伸呈乞轉達將修城造墳二事量與寬減等因到府臣等看得外羅城所以環衛南京大城

宗社宮闕之所在帑庫倉場之積遇有坍塌

損壞雖舉天下之工力修理亦不爲過但本府所轄止是七縣內有江浦六合二縣係在江北里少民貧動輒移逃難以科差外惟有上元等五縣可以差撥加之地方連年旱澇相仍人民缺食困苦之極況外羅城周圍里數闊遠城門不止一座南京工部原有湖廣江西福建三布政司所屬府州縣人匠工料數多原設有修倉主事一員就管修城專理其事今本府最爾七

縣遞年與南京工部分工修理況本府亦無見在人匠俱是將價銀雇覓南京工部管下人匠用工修理委的事體未當合無今後將坐派本府修城夫價以十分爲率本府出辦二分其八分灑派附近直隸蘇松常鎮太平徽州寧國安慶池州等九府照依府分人民多寡出備大約一處集價不過銀六七十兩一年一次預先解送南京工部交納遇有城垣坍塌本部就委原

管修城主事驗工計料一併修理如此則非但畿甸之民得以少寬抑且灑派不多外郡之民不致累負況南京工部遞年得此工價不須別項勞費庶可經久常行其內官病故造墳一節緣係內臣平昔俱曾効勞造墳之禮固不可廢但南京工部原無定例遇有坐派夫價工料等項往往多寡不一合無查照在京近年司禮監太監許安御馬監太監劉永成等病故工部造

墳安葬事例行移南京工部照例遵守施行借撥本府夫匠一槩停止庶不至於勞民傷財臣等竊惟南京乃

祖宗根本重地上元等七縣皆京畿之民比之他處尤當時加愛養不宜日漸疲憊伏望聖明裁處乞

勅該部將前項修城等事量為寬減處置以蘇民困以固邦本臣等職在養民昧死冒干天聽不勝恐懼待罪之至為此具本該通政使

司官於

奉天門奏奉

聖旨該部知道欽此欽遵行據順天府查得太監劉永成許安病故安葬事例本府應付棺材一具人夫二十名匠四名開報前來案呈到部叅照應天府所

奏要將修城夫價以十分為率本府出辦二分其餘分派附近直隸蘇松等府出備及奏查安葬太監劉永成等則例以憑遵守一

節緣係修理城垣安葬內臣俱係

朝廷重務今本府所

奏中間雖是有理但未經行勘難便定奪合
咨貴職煩為查勘前項所

奏務要斟酌停當徑自具

奏以憑定奪等因備咨到職隨行南京工部
又行應天府查得南京外羅城垣先年遇
有倒塌是南京工部委官驗工計料各衛
差撥軍餘前赴該廠領料與班匠用工修

理景泰六年蒙守備太監袁誠等

奏行應天府着落上元江寧句容溧陽溧水
五縣不為常例借倩人夫一百名分作二
班相兼軍餘挑運木瓦等料匠作修理至
成化九年本府府丞白昂見得墻垣經年
不完夫役艱難備行內外守備等官會議
得外羅城周圍一百六十里共一十六門
遠近不等馴象門起八門係應天府修理
滄波門起八門係南京工部修理其該用

工料南京工部與應天府各另出備兩不
干預每年春秋二季內外守備等官公同
南京工部并應天府官各照分修地方相
看遇有損壞就行丈量料計修理及查得
應天府每年修城有用工價銀二三百兩
者亦有四五百兩者多寡不一叅照應天
府

奏要將夫價以十分為率本府出備二分其
餘灑泐附近直隸蘇松常鎮太平徽州寧

國安慶池州等九府照依府分人民多寡
出備預先解送南京工部交納遇有城垣
坍塌本部就委原管修城主事驗工計料
一併修理一節緣南京工部與應天府分
修外羅城垣係是內外守備官會同議
允已行年久事理況於事體頗便難以更改及
看得直隸蘇松常三府錢糧數多徽州安
慶等府路程寫遠況各府俱有城池每年
俱要起夫備料修理難令出備工價銀兩

其鎮江寧國太平廣德與應天府州俱係原奉

恩例減免錢糧去處又與南京相近太平府蕪湖縣近來設有抽分場僉點夫役供應往來事頗繁重亦難出備若令鎮江寧國廣德三府州出備事頗相應及照內臣病故造墳安葬既已查有前例別無定奪合無行令鎮江寧國并廣德三府州每年各出價銀六十兩俱解送應天府收修城垣其

餘不足之數不分多寡俱令應天府上元等五縣出備仍照舊與南京工部各照原分地方城垣門座修理今後南京內臣病故合無照依太監劉永成許安事例安葬緣係工部咨臣查勘所

奏斟酌停當徑自具

奏定奪事理俱未敢擅便具題

同南京吏部等衙門應 詔陳言奏狀

臣等伏覩今年正月初七日

欽降詔書有以見

陛下敬

天之渝卹民之困恐懼修省求言圖治之盛心也雖隆古聖明何以過之是以

詔書到日誤罹刑辟者蒙更生之

恩宿負錢糧者免追徵之苦如釋重負如解倒懸饑者得食勞者得息危者以安憂者以

喜莫不願

皇圖之鞏固祝

聖壽於萬年向非

聖心惻隱詢謀屈策焉能以致是臣等並受

國恩待罪南都有所見聞雖不奉

明詔亦當披肝瀝膽以圖補報萬分之一况

明詔許諸人直言無隱若猶噤而不言言而不

直是臣等上違

聖諭下失民望將何顏以立於

聖明之朝乎竊惟

朝廷之布政令也猶上天之降祥異也一政

令之得宜若禎祥之見而天下無不忻悅
一政令之失宜若災異之來而天下無不
驚懼易曰君子居其室出其言善則千里
之外應之不善則千里之外違之況政令
乎誠能發其善者而行之其不善者而改
之則民自安天意自回尚何災異之不可
弭而禎祥之不可至哉臣等欽遵

明詔謹條陳今日闕失利病一二事昧死以
聞伏乞